



partii naleraq

UKA 2017/108-01

04-10-2017

Immakkut angallatit angallatikullu umiarsualivinniittut peerneqartarnerat pillugu Inatsisartut inatsisaat nr. xx, xx. xxx 2017-imeersoq.

(Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoq)

Immaatigut angallatit angallatikullu umiarsualivinniittut peerneqartarnerat pillugu Inatsisartut inatsisaattut siunnersuut Partii Naleraq sinnerlugu imannak oqaaseqarfigissuarput:

Aallaqqaasiullugu uggoraarput tusarniaanermut atatillugu KANUKOKA`p umiarsualivinni suut suliaasaqarfiit aamma qanoq kikkunnillu susassarineqarnerisut pillugit eqqortumik takussutissiortoqarnissaanik ajuartuina Naalakkersuisuniit erseqqissaavigineqanngimmat, taamaallaalli umiarsualivinnut inatsit malinneqartussaammangooq innersuussutigineqaannarluni.

Tassami umiarsualiveqarfinni ulluinnarni ulapaarfioqisuni tamatigut imaaliillaannarlugu takuneqarsinnaaneq ajormat, kikkut suut akisussaaffigalugillu oqartussaaffiginaat ?

Inatsisissatut siunnersuummi oqaaseqaatini nalinginnaasuni paasissutissat assigiinngitsut saqqummiunneqartut misissuisitsitsimaneriniit 2009-imeersut saqqummiunneqarput. Isumaqarpugut paasissutissat taakku pisoqaavallaartut.

Aamma isumaqarpugut suliaq manna sulianut allanut ingerlareersunut ataqatigiisinneqartariaqartoq, tassami nalunngilarput ukiut arlallit matuma siornali angalatit isaterneqartarnissaannut aningaasanut inatsisikkut aningaasanik immikkoortitsisoqartarmat.

Angallatinik isaterinissamut 2015-imut aningaasanut inatsimmut 7 mio kr-it ukiunullu missingersersuusiorfinnut 7 mio kr-it immikkoortinneqarsimapput, kisianni 2016-imi taamaallaat 500.000 kr-it atorneqarsimapput, 2017-imullu 12,5 mio kr-it, 2018-imut ukiunullu missingersuusiorfinnut 5.250,000 kr-it siunnersuutigineqarlutik.

Imannallu 2018-imut aningaasanut inatsisissatut siunnersuummi allaqqasoqarpoq:

“Konto pingaarnikkut matumuuna aamma siunertaavoq, angallatinik isaterinermut aningaasaliisoqarnissaa sinerissamut qanittumi aalisarnermik aalisariutitik naleqqussaaniisaq ajornannginnerulersinniarlugu.

Aningaasat atugassanngortitat sinerissamut qanittumi aalisarnermi angallatinik pisoqqanik isaterinermut tapiissutitut atorineqassapput. Aserorterinermut tapiissutit sinerissamut qanittumi aalisarnermi angallatinut aalajangersimasunut ukiunik 25-nik pisoqaanerusunut atugassaapput, taamaasilluni angallatit aserfallatsaaliinermi aningaasartuutaavallaartut sulinikkullu nukinnik annertuallaamik atuiffiusut aalisarnermit peersinneqarsinnaapput.

Naalackersuisut malittarisassanik erseqqinnerusunik aalajangersaasinnaapput, taakkununga ilanngullugit qinnuteqaatit, tapiiffiqineqarnissamut piunasaqaatit, tapiissutillu annertussusiinut tunniunneqartarnerannullu naatsorsuutit pillugit.

Naalackersuisut sulianut isaterinermut tapiisarnermut tunngassuteqartunut ataatsimiititaliamik allaffissornikkut aalajangiisartussamik pilersitsisimapput”.

Takusinnaavarput angallatinik isaterinissamut 2016-imut aningaasanut inatsisikkut 7 mio kr-init immikkoortinneqarsimasuniit taamaallaat 0,5 mio kr-it atorineqarsimasut. Immaqa aperisoqarsinnaavoq, sooq-una 7 mio kr-it tamakkerlugit 2016 atorineqarsimanngitsoq, taamalu angallatit isatigassat amerlatigisut ?

Maannamut paasisimalikkavut tusartakkavullu malillugit qulaani aningaasaliissutit atorineqarsinnaanerannut malittarisassat ”qeratavallaarujussuartut” siunertamullu naapertuutinngitsut takorloorsinnaavarput, tassami angallat atorunnaarsimasoq qulaani aningaasaliissutit atorlugit isaterineqassappat piunasaqaatit allanngortinneqarlunnartariaqarput.

Isumaqarpugut angallammik isaterititsinissamut qinnuteqarnermi piunasaqaatit allanngortinneqartariaqartut, aammalu angallammik piginnittoq akuerineqarpat – isaterinissamut aningaasaliissutit aningaasarsiatut isertitatut nalunaarsorneqartanninnissaat qulakkeerneqartariaqartoq, taamaaliornikkut angallammik piginnittuusimasoq immaqa aningaasatigit ajornartorsiuteqalersimasoq suli annerusumik ajornartorsiuleqqunagu.

Kisianni aamma periarfissat allat misissorluarneqarnissaat pisariaqartippavut, soorlu sillimmasiisarnermut tunngasut. Tassami angallat atorineqartilluni pinngitsoorani sillimmateqarnissaa piumasagaataavoq.

Naluneqanngilaq assersuutigalugu aalisariut 0,5 mio kr-inut nalilerneqartoq sillimmasiisarfiit ilaanni angallatip nalingata 4,5 %-a sillimmasiisarnermut akiliutigisaraa, tassa aningaasanngorlugu 22.500 kr-it, taakkunanngalu 0,65 % nunatta karsianiit sillimmasiisarfirmut akilerneqartarluni, tassa 3.250 kr-it. Paasisinnaanngilluinnarparput, soormi nunatta karsia 0,65 %-imik sillimmasiisarfirmut akiliuteqassanersoq ? Taassuma Naalakkersuisuniit nassuiaaffigineqarnissaa piumasaraarput.

Naggataatigut Partii Naleqqamiit misissungassaqqitsipparput angallammik sillimmasiisarnermut atatillugu angallat siunissami sillimmaserneqarsinnaalersinnaannginnersoq naggataatigut isaterneqarnissaa ilanngullugu ?

Taama oqaaseqarluta siunnersuutip aappassanneerneqannginnerani ataatsimiititaliami susassaqartumi sukumiisumik suliarineqarnissaa inassutingaarput.

Anthon Frederiksen